

術優長者就宮內省對丞以上精加校練謂此不必判官以上皆悉相待然後校試若有輔以上一人及

八以上學送即於具述行業謂方正清倫為行申送太政官略中

又云醫針生初入學皆行束脩禮一准大學生其按摩呪禁生減半

又云教習本草素問黃帝針經甲乙博士皆案文講說謂案文猶云依文其如講五經之法略中

又云醫針生按摩呪禁生專令習業不得雜使謂句假及田假授衣假等并准大學生

〔續日本紀十〕聖武天平二年三月辛亥太政官奏稱略中又陰陽醫術及七曜頒曆等類國家要道不得廢

闕但見諸博士年齒衰老若不教授恐致絕業望仰吉田連宜大津連首御立連清道難波連吉成山口

忌寸田主私部首石村志斐連三田次等七人各取弟子將令習業其時服食料亦准大學生其生徒陰

陽醫術各三人

〔享祿本類聚三代格六〕太政官符略中

一可改定受業師料數事

右造式所起請云案太政官承和五年六月十五日符云天平寶字元年十一月廿二日勅書云諸學生

等被任之後所給公廩一年之分可令送本受業師者今被右大臣宣云奉勅徒設章程輟而不行論乎

治道理不可然但全取一年俸物情難和分析之事宜有節級須大國二百束上國百五十束中國百束

下國五十束每年拘留隨國所出交易輕物附貢調使博士料送大學寮醫師料送典藥寮縱雖非業醫

師除大學諸博士及醫師等兼任之外不論在國兼任亦復准此永以為例若有未進者拘留使返抄者

今按件格依國大少立其率法而今一分所給公廩或國不足百束或國有餘千束大少之法事乖

平均之旨伏望計所給數割十分一將令送納者從三位守大納言兼左近衛大將行陸奧出羽按察使

藤原朝臣基經宣奉勅依請

貞觀十二年十月廿五日代又見三實錄